



OATH Taxi & Limousine Tribunal

A Division of the Office of Administrative Trials and Hearings

ট্যাক্সি অ্যান্ড লিমুজিন ট্রাইব্যুনাল (TAXI AND LIMOUSINE TRIBUNAL) এর নিয়মাবলীর পরিবর্তনগুলির সারসংক্ষেপ

OATH Taxi and Limousine Tribunal (“ট্রাইব্যুনাল”) এর কার্যবিধিগুলিকে পরিচালনাকারী নতুন নিয়মাবলী 15 জানুয়ারী 2014 তারিখ থেকে কার্যকরী হয়। কয়েকটি প্রধান পরিবর্তনের সারসংক্ষেপ নীচে দেওয়া হয়েছে। নতুন নিয়মগুলি Rules of the City of New York (“RCNY”) এর শীর্ষক 48 এর অধ্যায় 5 এ আছে। আপনি <http://www.nyc.gov/oath> এ এগুলি খুঁজে পাবেন।

প্রতিনিধিত্ব

ট্রাইব্যুনালে আপনার প্রতিনিধিত্ব করার জন্য আপনি যে কোনো ব্যক্তিকে অধিকার দিতে পারেন

- যে কোনো ব্যক্তি ট্রাইব্যুনালে আপনার প্রতিনিধিত্ব করতে পারেন, যতক্ষণ তিনি প্রমাণ জমা দিচ্ছেন যে আপনি আপনার তরফে হাজির থাকার জন্য তাঁকে অধিকার দিয়েছেন। এখন থেকে আর প্রতিনিধিদের অনুমোদিত শিল্প প্রতিনিধি (Authorized Industry Representative) বা অ্যাটর্নি হওয়ার প্রয়োজন নেই। আপনি অথবা আপনার প্রতিনিধি অধিকার প্রদানের প্রমাণ হিসাবে ট্রাইব্যুনালের কাছে *Authorized Representative Form* (অধিকারপ্রাপ্ত প্রতিনিধি ফর্ম) জমা দিতে পারেন।
- একটি ক্যালেন্ডার বর্ষে পাঁচজন (5) বা তার বেশি বিবাদীর প্রতিনিধিত্ব করেন এমন যে কোনো ব্যক্তিকে অবশ্যই *Representative Registration Form* (প্রতিনিধি নিবন্ধীকরণ ফর্ম) ব্যবহার করে নিবন্ধীকরণ করতে হবে। (কোনো বিবাদীর প্রতিনিধিত্বকারী পরিবারের সদস্য এবং নিউ ইয়র্ক স্টেটে আইনচর্চার জন্য স্বীকৃতিপ্রাপ্ত অ্যাটর্নিদের নিবন্ধীকরণ করতে হয় না।)

সমস্ত বিবাদী কোনো প্রতিনিধির মাধ্যমে হাজিরা দিতে পারেন

- আপনার ব্যক্তিগতভাবে শুনানির জন্য হাজির হওয়ার প্রয়োজন নেই, এমন কি আপনি লাইসেন্স-প্রাপ্ত না হলেও। তার পরিবর্তে, আপনি আপনার তরফে আপনার প্রতিনিধিকে উপস্থিত থাকতে বলতে পারেন, যদি আপনি আপনার প্রতিনিধিকে যথাযথভাবে অধিকার প্রদান করেন, যেমন *Authorized Representative Form* (অধিকারপ্রাপ্ত প্রতিনিধি ফর্ম)-এর মাধ্যমে।
- আপনি নিশ্চিতভাবেই নিজের প্রতিনিধিত্ব করতে পারেন। ট্রাইব্যুনালে আপনার প্রতিনিধিত্ব করার জন্য আপনার কোনো আইনজীবী বা প্রতিনিধির প্রয়োজন নেই।

কোনো একটি শুনানিতে হাজির থাকতে ব্যর্থ হওয়া

হাজির থাকতে ব্যর্থ হওয়ার পরে নতুন শুনানির জন্য অনুরোধ করা সহজতর

- আপনি যদি কোনো শুনানিতে হাজির থাকতে বিফল হন এবং আপনার অনুপস্থিতিতে আপনার বিরুদ্ধে রায় দেওয়া হয়, তাহলে সমনের অভিযোগের বিষয়ে আত্মপক্ষ সমর্থনের কোনো বিবৃতি ছাড়াই আপনি সেই রায়কে নাকচ করার জন্য একটি প্রস্তাব দায়ের করতে পারেন। আপনি যদি 60 দিনের ভিতরে রায়টি নাকচ করার জন্য একটি প্রস্তাব দায়ের করেন, তাহলে হাজির থাকতে বিফল হওয়ার জন্য আপনাকে শুধু একটা যুক্তিসঙ্গত কারণ দেখাতে হবে। আপনি যদি 60 দিনের পরে অথচ 2 বছরের ভিতরে আপনার প্রস্তাবটি দায়ের করেন, তাহলে আপনাকে শুধু প্রস্তাবটি পেশ করতে বিলম্বের জন্য একটি যুক্তিসঙ্গত কারণ দেখাতে হবে এবং হাজির থাকতে ব্যর্থ হওয়ার জন্য একটি যুক্তিসঙ্গত কারণ দেখাতে হবে।

আপনার অনুপস্থিতিতে আপনার বিরুদ্ধে দেওয়া রায় নাকচ করার জন্য একটিমাত্র প্রস্তাব মঞ্জুর করা হবে, শুধু ব্যতিক্রমী পরিস্থিতিতে এর অন্যথা হতে পারে

- আপনার অনুপস্থিতিতে আপনার বিরুদ্ধে দেওয়া রায় নাকচ করার জন্য আপনার অনুরোধটি যদি মঞ্জুর করা হয়, এবং আপনি নতুন সূচিভুক্ত শুনানিতেও হাজির হতে বিফল হন, তাহলে আপনার অনুপস্থিতিতে আপনার বিরুদ্ধে দেওয়া দ্বিতীয় রায়টি নাকচ করার জন্য আপনার অনুরোধ শুধুমাত্র ব্যতিক্রমী পরিস্থিতিতে এবং অবিচার এড়ানোর জন্য মঞ্জুর করা হবে।

রায় নাকচ করার প্রস্তাব অস্বীকার করা হলে, আপনি আপীল বা আবেদন করতে পারবেন না

- আপনার অনুপস্থিতিতে আপনার বিরুদ্ধে দেওয়া রায় নাকচ করার জন্য আপনার প্রস্তাবটি যদি অস্বীকার করা হয়, তাহলে আপনি এই প্রত্যখ্যানের বিরুদ্ধে আপীল করতে পারবেন না।

সমস্ত বিবাদীর জন্য উপলব্ধ ভাষা সহায়তা পরিষেবা

যে সমস্ত বিবাদী পেশাদার অনুবাদ পরিষেবার জন্য অনুরোধ করেন অথবা যাদের এটা প্রয়োজন হয়, ট্রাইব্যুনাল তাদের জন্য বিনামূল্যে এই পরিষেবা প্রদান করে। আপনি চাইলে নিজস্ব অনুবাদকও নিয়োগ করতে পারেন।

1/15/14